



*Համարը* ՀՕ-291-Ն  
*Տիպը* Օրենք  
*Սկզբնաղբյուրը* Միասնական կայք 2023.10.02-  
2023.10.15 Պաշտոնական  
հրապարակման օրը 05.10.2023

*Տեսակը* Հիմնական  
*Կարգավիճակը* Գործում է  
*Ընդունման վայրը* Երևան

*Ընդունող մարմինը* ՀՀ Ազգային ժողով  
*Ստորագրող մարմինը* ՀՀ Նախագահ  
*Վավերացնող մարմինը*  
*Ուժի մեջ մտնելու ամսաթիվը* 15.10.2023

*Ընդունման ամսաթիվը* 12.09.2023  
*Ստորագրման ամսաթիվը* 03.10.2023  
*Վավերացման ամսաթիվը*  
*Ուժը կորցնելու ամսաթիվը*

**☐ Օճանուցում**

Սույն օրենքի դրույթները գործում են սույն օրենքն ուժի մեջ մտնելու պահից ծագած հարաբերությունների նկատմամբ:

**☒ Փոփոխողներ և ինկորպորացիաներ**

ՀՀ ՕՐԵՆՔԸ «ԿԻՆԵՄԱՏՈԳՐԱՖԻԱՅԻ ՄԱՍԻՆ» ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**Օ Ր Ե Ն Ք Ը**

Ընդունված է 2023 թվականի սեպտեմբերի 12-ին

**«ԿԻՆԵՄԱՏՈԳՐԱՖԻԱՅԻ ՄԱՍԻՆ» ՕՐԵՆՔՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

**Հոդված 1.** «Կինեմատոգրաֆիայի մասին» 2021 թվականի հունիսի 30-ի ՀՕ-302-Ն օրենքի (այսուհետ՝ Օրենք) 3-րդ հոդվածի 1-ին մասում՝

- 1) 16-րդ, 18-րդ և 19-րդ կետերն ուժը կորցրած ճանաչել.
- 2) լրացնել հետևյալ բովանդակությամբ 23.1-ին կետով.

«23.1) **ներդրումների մասնակի վերադարձ (cash rebate)**՝ ֆիլմարտադրողների կողմից Հայաստանի Հանրապետության ռեզիդենտ անձանցից ձեռք բերված՝ ֆիլմարտադրության հետ անմիջականորեն կապված ապրանքների և ծառայությունների համար կատարված դրամական ծախսերի մասնակի վերադարձ.»:»

**Հոդված 2.** Օրենքի 5-րդ հոդվածի 2-րդ մասը լրացնել հետևյալ բովանդակությամբ 1.1-ին կետով.  
«1.1) ֆիլմարտադրության մեջ ներդրված դրամական միջոցների մասնակի վերադարձը.»:»

**Հոդված 3.** Օրենքի 7-րդ հոդվածի 1-ին մասում՝

- 1) 3-րդ կետը շարադրել հետևյալ խմբագրությամբ.

«3) հաստատում է ներդրումների մասնակի վերադարձը տրամադրելու, մերժելու և դադարեցնելու կարգն ու պայմանները.».

- 2) լրացնել հետևյալ բովանդակությամբ 3.1-ին կետով.

«3.1) հաստատում է ներդրումների մասնակի վերադարձի ենթակա ծախսերում հաշվարկվող՝ ֆիլմարտադրության հետ անմիջականորեն կապված ապրանքների, ծառայությունների և աշխատանքների ցանկը և վերադարձի ենթակա դրամական ծախսերի չափը սահմանելու պայմաններն ու հաշվարկելու նորմատիվները.»:»

**Հոդված 4.** Օրենքի 8-րդ հոդվածի 1-ին մասում՝

- 1) 8-րդ կետը շարադրել հետևյալ խմբագրությամբ.

«8) ազգային մարմնի ներկայացրած ներդրումների մասնակի վերադարձի մասին եզրակացությունների և վերադարձը տրամադրելու հիմքերի ուսումնասիրության տվյալների հիման վրա որոշում է կայացնում վերադարձը տրամադրելու կամ մերժելու, իսկ օրենքով սահմանված դեպքերում նաև՝ վերադարձը պետական բյուջե հետ գանձելու կամ ներդրումների մասնակի վերադարձը դադարեցնելու և վերադարձված ֆինանսական հատկացումը պետական բյուջե հետ գանձելու մասին.»

2) 9-րդ կետն ուժը կորցրած ճանաչել:

**Հոդված 5.** Օրենքի 9-րդ հոդվածի 1-ին մասում՝

1) 5-րդ կետը շարադրել հետևյալ խմբագրությամբ.

«5) իրականացնում է պետական բյուջեից և դրամագլխից հատկացված ֆինանսական միջոցների նպատակային օգտագործման, ինչպես նաև սույն օրենքի 19-րդ հոդվածի 1-ին և 2-րդ մասերով սահմանված պայմանների պահպանման նկատմամբ վերահսկողություն.»

2) լրացնել հետևյալ բովանդակությամբ 12.1-ին կետով.

«12.1) ուսումնասիրում է ներդրումները մասնակի վերադարձնելու, իսկ օրենսդրությամբ սահմանված դեպքերում նաև՝ վերադարձը պետական բյուջե հետ գանձելու կամ ներդրումների մասնակի վերադարձը դադարեցնելու և վերադարձված ֆինանսական հատկացումը պետական բյուջե հետ գանձելու համար հիմք հանդիսացող փաստաթղթերը, դրանց վերաբերյալ տալիս է եզրակացություն լիազոր պետական մարմնին՝ համապատասխան որոշում կայացնելու համար.»

**Հոդված 6.** Օրենքի 6-րդ գլխում՝

1) վերնագիրը շարադրել հետևյալ խմբագրությամբ.

**«Գ Լ Ո Ւ Խ 6**

**ՆԵՐԴՐՈՒՄՆԵՐԻ ՄԱՍՆԱԿԻ ՎԵՐԱԴԱՐՁԸ ԿԱՄ ԴՐԱ ՄԵՐԺՈՒՄԸ ԿԱՄ ԴԱԴԱՐԵՑՈՒՄԸ, ՀԵՏԳԱՆՁՈՒՄԸ, ՀԱՄԱՏԵՂ ԱՐՏԱԴՐՈՒԹՅԱՆ ԿԱՐԳԱՎԻՃԱԿԻ ՏՐԱՄԱԴՐՈՒՄԸ ԵՎ ԴՐԱ ԴԱԴԱՐԵՑՈՒՄԸ, ՎԱՐՁՈՒԹԱՅԻՆ ՎԿԱՅԱԿԱՆԻ ՏՐԱՄԱԴՐՈՒՄԸ ԵՎ ԴՐԱ ԳՈՐԾՈՂՈՒԹՅԱՆ ԴԱԴԱՐԵՑՈՒՄԸ».**

2) 18-րդ հոդվածը շարադրել հետևյալ խմբագրությամբ.

**«Հոդված 18. Ներդրումների մասնակի վերադարձի տրամադրումը, մերժումը, դադարեցումը, հետգանձումը**

1. Ֆիլմարտադրության նպատակով ներդրվող դրամական ծախսերի 10-40 տոկոսը կարող է վերադարձվել, եթե՝  
1) ֆիլմարտադրողը ներդրումները վերադարձնելու հայտով դիմել է ազգային մարմնին.  
2) առկա են ֆիլմարտադրության հետ անմիջականորեն կապված ծախսերը հիմնավորող փաստաթղթերը.  
3) ազգային մարմնին ներդրումների մասնակի վերադարձ տրամադրելու մասին իր դրական եզրակացությամբ դիմել է լիազոր պետական մարմին:

2. Ներդրումների մասնակի վերադարձի ենթակա ծախսերում հաշվարկվող՝ ֆիլմարտադրության հետ անմիջականորեն կապված ապրանքների, ծառայությունների և աշխատանքների ցանկը և վերադարձի ենթակա դրամական ծախսերի չափը սահմանելու պայմաններն ու հաշվարկելու նորմատիվները սահմանում է Կառավարությունը:

3. Ներդրումների մասնակի վերադարձի ենթակա ծախսերում չեն հաշվարկվում սույն օրենքի 23-րդ հոդվածի 1-ին մասով սահմանված՝ դրամագլխի հաշվին տվյալ ֆիլմարտադրությանը հատկացված ֆինանսական միջոցների չափով կատարված ապրանքների, ծառայությունների և աշխատանքների ծախսերը՝ առկայության դեպքում:

4. Ներդրումների մասնակի վերադարձ ստանալու հայտը մերժվում է, եթե՝

1) հայտնի են դարձել փաստեր, որոնք հավաստում են, որ ներկայացվել են ոչ հավաստի տեղեկություններ կամ կեղծ փաստաթղթեր.

2) ներկայացված փաստաթղթերը չեն համապատասխանում սույն օրենքի պահանջներին.

3) ներկայացված փաստաթղթերը թերի են, և տեղեկացնելուց հետո՝ 10 աշխատանքային օրվա ընթացքում, թերությունները չեն վերացվում.

4) ֆիլմարտադրողը իր գործունեության ընթացքում ոչնչացրել կամ վնասել է պետության պահպանության տակ գտնվող պատմության կամ մշակույթի հուշարձանը, պատմական կամ մշակութային առանձնակի արժեք ունեցող առարկան կամ փաստաթուղթը, հնագիտական օբյեկտները, խախտել է պետության կողմից հատուկ պահպանվող բնական տարածքի կամ օբյեկտի՝ օրենսդրությամբ սահմանված ռեժիմը՝ առաջացնելով քրեական օրենսդրությամբ սահմանված խոշոր չափերի գույքային կամ այլ էական վնաս, կամ հրաժարվել է հատուցել հանրային կամ մասնավոր

անձանց գույքին պատճառված վնասը կամ վերականգնել դրա նախկին վիճակը.

5) ազգային մարմինը օրենսդրությամբ սահմանված վերահսկողության տվյալների հիմքով տվել է բացասական եզրակացություն:

5. Ներդրումների մասնակի վերադարձը դադարեցվում է, իսկ հատկացված միջոցները հետ են գանձվում պետական բյուջե, եթե ազգային մարմնի վերահսկողության կամ այլ հիմնավորված փաստերով բացահայտվում է, որ սույն հոդվածի 1-ին մասով սահմանված վերադարձ ստացած (ստացող) ֆիլմարտադրողը՝

- 1) ներկայացրել է ոչ հավաստի տեղեկատվություն կամ կեղծ փաստաթղթեր.
- 2) խախտել է սույն օրենքի և այլ նորմատիվ իրավական ակտերի պահանջները.

3) ֆիլմարտադրության աշխատանքներում կատարել է վարչական կամ քրեական պատասխանատվություն նախատեսող արարք, որով պետությանը, իրավաբանական կամ ֆիզիկական անձին պատճառել է վնաս կամ հանգեցրել գույքի մասնակի կամ լրիվ ոչնչացման կամ կատարել է ֆիլմարտադրության իրավունք վերապահող փաստաթղթերով չնախատեսված և համապատասխան լիազոր մարմինների հետ չհամաձայնեցված արարք:

6. Ներդրումների մասնակի վերադարձը տրամադրվում, մերժվում, դադարեցվում և պետական բյուջե է վերադարձվում լիազորված պետական մարմնի որոշումով՝ ազգային մարմնի եզրակացության կամ դատարանի օրինական ուժի մեջ մտած ակտի հիման վրա:

7. Ներդրումների մասնակի վերադարձը տրամադրելու չափը, հատկացման համամասնությունը և ժամկետները, վերադարձի ենթակա ծախսումները հիմնավորող փաստաթղթերի ցանկն ու ձևաչափը, ինչպես նաև վերադարձը մերժելու, դադարեցնելու և պետական բյուջե հետգանձում կատարելու (վերադարձնելու) կարգերը սահմանվում են սույն օրենքի 7-րդ հոդվածի 1-ին մասի 3-րդ կետով նախատեսված Կառավարության որոշումով:»:

**Հոդված 7.** Օրենքի 21-րդ հոդվածում՝

- 1) 1-ին մասը շարադրել հետևյալ խմբագրությամբ.

«1. Հայաստանի Հանրապետության տարածքում ֆիլմարտադրության նպատակով ներդրումներ կատարելու դեպքում ֆիլմարտադրողը կարող է ստանալ մասնակի վերադարձ՝ համաձայն սույն օրենքի 18-րդ հոդվածի դրույթների:»:

- 2) 2-րդ մասն ուժը կորցրած ճանաչել.
- 3) 3-րդ մասը շարադրել հետևյալ խմբագրությամբ.

«3. Ֆիլմարտադրության նպատակով Հայաստանի Հանրապետություն ժամանող անձինք իրավունք ունեն ֆիլմի նախագծով հաստատված ժամանակահատվածում առանց աշխատանքի թույլտվության մասնակցելու ֆիլմարտադրության աշխատանքներին՝ Կառավարության սահմանած կարգով:»:

**Հոդված 8.** Օրենքի 22-րդ հոդվածը լրացնել հետևյալ բովանդակությամբ 6-րդ մասով.

«6. Սույն օրենքի 18-րդ հոդվածով սահմանված՝ ֆիլմարտադրության ներդրումների մասնակի վերադարձի դրամական ծախսերը ֆինանսավորվում են պետական բյուջեի հաշվին:»:

**Հոդված 9.** Օրենքի 27-րդ հոդվածի 2-րդ մասը շարադրել հետևյալ խմբագրությամբ.

«2. Սույն օրենքի 15-րդ հոդվածի 1-ին մասով նախատեսված պահանջների խախտումը և սույն օրենքի 18-րդ հոդվածի 4-րդ մասի 4-րդ կետով և 5-րդ մասի 3-րդ կետով սահմանված խախտումներն առաջացնում են պատասխանատվություն՝ օրենքով սահմանված կարգով:»:

**Հոդված 10.** Օրենքի 28-րդ հոդվածում՝

- 1) լրացնել հետևյալ բովանդակությամբ 4.1-ին մասով.

«4.1. Մինչև սույն օրենքով սահմանված ազգային մարմնի կազմավորումը ներդրումների մասնակի վերադարձի տրամադրման, մերժման և այդ գործընթացի դադարեցման հետ կապված գործառնություններն իրականացնում է լիազորված պետական մարմինը:»:

- 2) 5-րդ մասը շարադրել հետևյալ խմբագրությամբ.

«5. Սույն օրենքով նախատեսված Կառավարության որոշումներն ու այլ նորմատիվ իրավական ակտերն ընդունվում են սույն օրենքն ուժի մեջ մտնելուց հետո՝ վեց ամսվա ընթացքում:»:

**Հոդված 11. Եզրափակիչ մաս և անցումային դրույթ**

- 1. Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:
- 2. Սույն օրենքի դրույթները գործում են սույն օրենքն ուժի մեջ մտնելու պահից ծագած հարաբերությունների նկատմամբ:

2023 թ. հոկտեմբերի 3  
Երևան  
ՀՕ-291-Ն

**Պաշտոնական հրապարակման օրը՝ 5 հոկտեմբերի 2023 թվական:**